

## Հայկական Տեղեկատվության և Խորհրդատվության Կեդրոն

2019-2021

### ԱՌԱՔԵԼՈՒԹԻՒՆ

Կառուցել դեպի հաւասարութիւն, պատեհութիւն, մշակութային ինքնութիւն եւ յաւելեալ ներառողականութիւն առաջնորդող կամուրջներ Անգլիոյ հայութեան եւ ընդհանուր համայնքին համար:

### ՏԵՍԼԱԿԱՆ

Ծաղկուն համայնք մը, որ կ'ընդգրկէ եւ կը հարստացնէ Անգլիոյ եւ ընդհանուր համայնքի կեանքը՝ 1) գաղթականութեան, բնակարանի եւ բարեկեցութեան խորհրդատվութեամբ, 2) կրթական, վարժողական եւ աշխատանքային աջակցութեամբ, եւ 3) ընկերային, մշակութային եւ առողջական պատեհութիւններով:

### ՌԱԶՄԱՎԱՐԱԿԱՆ ՆՊՍՏԱԿՆԵՐ

1. Նուաճել կազմակերպական գերազանցութիւն՝ իբրեւ ծառայութիւններու վստահելի մատակարար
2. Ստեղծել դրական, ներառական եւ ընդունարար մթնոլորտ մը մեր Կեդրոնին մէջ՝ մեր համայնքի, բարեկամներու, գործընկերներու, կամաւորներու եւ անձնակազմի անդամներուն համար
3. Պահպանել հիւրասիրութեան եւ առատաձեռնութեան, կրթութեան, արհեստի, սիրոյ եւ հոգածութեան ընդհանուր հայկական ասանդութիւնները
4. Բարձրացնել մասնաւորապէս տարեց մարդոց կեանքի որակը, նուազեցնելով մեկուսացումն ու անհաւասարութիւնը եւ հասնելով Լոնտոնի հայ համայնքի այլազան կարիքներուն՝ ընկերային ներառումի, բարեկեցութեան, կրթական եւ մշակութային ծրագիրներու միջոցով
5. Տարածել հայկական ժառանգութիւնը, լեզուն ու մշակոյթը հանրային օգտակարութեան նկատառումով

## ԱՐԴԻԻՆՔՆԵՐ

Մեր ռազմավարական նպատակները իրագործելով, Հայկական Տեղեկատուության և Խորհրդատուության Կեդրոնը (ՀՏԽԿ) պիտի

1) Դառնայ գերազանցության կեդրոն մը,

- **Ներշնչելով** ներառում, այլազանություն և նորարարություն մեր աշխատանքի բոլոր կալուածներուն մէջ
- **Ապահովելով** արդիւնաւետութիւն, արտադրողականութիւն, յարմարութիւն և ծառայութիւններու բարձր ներգործութիւն
- **Աջակցելով** մեր անձնակազմի, կամաւորներու և համայնքի աճին ու բարօրութեան
- **Զօրաշարժի ենթարկելով** ու գործադրելով կազմակերպական միջոցներու հմուտ ղեկավարում մը՝ առաւելագոյն արդիւնք ստանալու համար:
- **Պահելով** կառավարումի իմաստով ուժեղ և նիւթապէս ապահով կազմակերպութիւն մը

2) Գործէ իբրեւ ծառայութիւններու վստահելի հայթայթող

- **Ամէն տարիքի ընտանիքներու և անհատներու**՝ իրենց հայկական ժառանգութիւնը հետազօտելու և մշակոյթի իրենց հասկացութիւնը զարգացնելու համար
- **Երիտասարդներու**՝ համարկում խրախուսող գործունէութեամբ, ինչպէս և համայնքի տէր ըլլալու և անոր հետ կապուելու զգացումներով խթանուելու համար
- **Տարեց հայերու**՝ վստահելու ապահով և հիւրընկալ վայրի մը, ուր կրնան իրարու հետ հաղորդակցիլ
- **Մեր համայնքի**՝ ներառեալ ծառայութիւններէ օգտուողներուն, կամաւորներուն, անդամներուն, անձնակազմին և ղեկավարութեան համար՝ ապահովելով անոնց գործօն մասնակցութիւնը կազմակերպութեան զարգացումին՝ գաղափարներու ազատ հոսքի և կարծիքներու արտայայտութեան միջոցաւ

## ԱՐԺԷՔՆԵՐ

Հայկական ասանդութիւնը կ'ընդգրկէ արժէքներու խճանկար մը, որ հարստացած է աշխարհի չորս ծագերուն արձանագրուած փորձառութիւններով: Զանալով գերազանցութեան կեդրոն մը ըլլալ Անգլիոյ բոլոր հայերուն համար, համաձայնած ենք հետեւեալ արժէքներուն շուրջ իբրեւ համայնքին խոստում: Այս արժէքները պիտի առաջնորդեն մեր գործը, ներառեալ մեր առօրեայ աշխատանքը, ծառայութիւններու մեր զարգացումի ու մատակարարումի ձեւը և մեր համայնքին վրայ ներգործող որոշումներու կայացումի ձեւը:

## Ղեկավարություն

Կը ջանանք գերազանցության կեդրոն մը ըլլալ հայ համայնքին համար եւ անխոնջ կերպով պիտի աշխատինք այդ ուղղութեամբ՝ կեդրոնանալով մեր առաքելութեան վրայ, քաջալերելով մեր պաշտօնեաները, ծառայելով մեր հանրութեան եւ բարձր պահելով բարոյականը: Պիտի ապահովենք, որ մեր վարքագիծը մարմնաւորէ կազմակերպութեան ոգին:

## Ներառականութիւն

Կընդունինք բոլոր հայերը, ինչպէս եւ ոեւէ մէկը, որ հետաքրքրուած է մեր համայնքով ու ժառանգութեամբ: Կը յարգենք ու կը քաջալերենք այլազանութիւնը հայ համայնքին եւ մեր կազմակերպութեան մէջ: Աջակցութիւն փնտռողները ապահով ու գաղտնապահ վայր մը պիտի գտնեն մեր կեդրոնին մէջ:

## Հաշուետոյութիւն

Մեր անդամներուն եւ նպաստառուներուն հաշուետու ենք: Գործակցաբար եւ թափանցիկ կերպով պիտի աշխատինք ուրիշ կազմակերպութիւններէ անհատներու հետ՝ փոխադարձաբար նպաստաւոր գործընկերութիւններ իրագործելու համար: Մեր միջոցները արդիւնաւէտ եւ ազդու կերպով պիտի գործածենք, որովհետեւ մենք մեզ կը ճանչնանք իբրեւ կազմակերպութեան ապագայի պահակներ:

## Համագործակցութիւն

Մեր անդամներուն եւ մեր ծառայութիւններէն օգտուողներուն առիթ պիտի ընծայենք՝ ծրագրումի եւ գործադրութեան ծառայութիւններուն իրենց նպաստը բերելու: Մեր նուիրատուներուն զոհողութիւնը պիտի կրկնապատկենք՝ ստեղծագործ ու պատասխանատու գործընկերութիւններու որոնումով:

## Ուսուցում

Վերջին 30 տարիներուն, մեր համայնքը կառուցած, մեր մշակոյթը պահպանած եւ Լոնտոնի հայ կեանքը հարստացուցած ենք: Կընդունինք, որ նման ներգործութիւն ունենալու համար, պէտք է յառաջադէմ մտածում ունենանք եւ փոփոխութեան հակամէտ ըլլանք: Պիտի սորվինք այն բաներէն, զորս լաւ ըրած ենք, եւ այն բաներէն, որոնք աւելի լաւ կրնայինք ընել, եւ պիտի խրախուսենք նոր գաղափարներ,

միաժամանակ ընդունելով, թե որքան դժուարին աշխատանք իրագործուած է՝ մեր համայնքի այս օգտաշատ աղբիւրները ստեղծելու համար:

## **ՆԱԽԱԴՐԵԱԼՆԵՐ**

ՀՏԽԿ-ը Անգլիոյ եւ Կալէսի մէջ արձանագրուած բարեսիրական ընկերութիւն մըն, որ հիմնուած է 1986-ին՝ Անգլիա գաղթած հայերու կողմէ: ՀՏԽԿ-ի ռահվիրայական ջանքերով հայ գաղթականներու եւ Անգլիոյ հայ համայնքի անապահով անդամներու կեանքի որակը բարելաւած է:

Այսօր, առատաձեռնութեան ու հիւրասիրութեան, կրթավարժանքի ու մարզումի, ընտանեկան արժէքներու եւ տարեցներու հանդէպ յարգանքի միեւնոյն ընդհանուր հայկական աւանդութիւնները կը ջանանք պահպանել մեր համայնքին մէջ: Այդ նպատակով, շարք մը ծառայութիւններ կը մատուցենք՝ Լոնտոնի եւ այլուր գտնուող մեր համայնքի բոլոր անդամներուն կարիքներն ու շահագրգռութիւնները բաւարարելու համար:

2017-2018-ին կատարուած հետազօտութիւնը ցոյց տուաւ, որ բացեր կան մեր ծառայութեան մէջ՝ 20-էն մինչեւ 50 տարեկան համայնքի բարեկամներուն հանդէպ, ինչպէս եւ երիտասարդներու հանդէպ, որոնք զգացած են, որ ՀՏԽԿ-ը իրենց հայկական ինքնութեան աճին չէր համապատասխաներ՝ աշխարհի խորապէս բազմամշակութային տարածքի մը մէջ: Անկախ խորհրդատուներու կողմէ կատարուած հետազօտութիւնը նաեւ ընդգծած է կառուցային եւ գործառնական խնդիրներ, որոնք կրնան ժխտականօրէն ազդել մեր դրամահաւաքի ջանքերուն, ինչպէս եւ գործընկերներու փնտռութիւն եւ կայունանալու ու Անգլիոյ հայ համայնքին առնչակից մնալու այլ ջանքերու վրայ:

Օգոստոս 2018-ին տեղի ունեցած ռազմավարական ծրագրումի օրուան ընթացքին, ՀՏԽԿ-ի հոգաբարձութիւնը եւ անձնակազմը հայ համայնքի աւելի քան 50 անդամներու արձագանգը քննեցին: Որոշումներ առնուեցան մեր առաքելութեան ու արժէքներու յայտարարագրերը թարմացնելու, բարձր մակարդակի ռազմավարական նպատակներու շուրջ համաձայնութիւն գոյացնելու եւ յառաջիկայ երեք տարիներուն հիմնական նպատակներ հաստատելու համար:

Այս ռազմավարական ծրագրին նպատակն է ՀՏԽԿ-ը արդիականացնել ուր որ անհրաժեշտ է, միաժամանակ պահպանելով ուժեղ կապ մը մեր պատմութեան ու ժառանգութեան հետ հայ համայնքին համար, եւ ապահովելով, որ ՀՏԽԿ-ը ռազմավարական եւ գործառնական կերպով զօրաւոր ըլլայ՝ Անգլիոյ մէջ ապագայ սերունդներու ծառայելու համար:

## **ԳՈՐԾԱԴՐՈՒԹԻՒՆ**

ՀՏԽԿ-ի հոգաբարձուքինը հաշուետու է այս ռազմավարական ծրագրին, ինչպես եւ իր նպատակները իրագործելու ուղղուած ճանապարհ մը գծելու համար: Գլխաւոր գործադիր պաշտօնատարի գործն է իրագործել այս ծրագրին նպատակները: Այս ծրագիրը նաեւ կը գործէ իբրեւ եկամուտի ստեղծումի ուղեցոյց, մինչեւ որ դրամահաւաքի առանձին ծրագիր մը մշակուի: Հոգաբարձուները ամէն տարի այս ծրագիրը պիտի քննեն եւ ուղղեն՝ մեծամասնութեան քուէով, երբ անհրաժեշտ ըլլայ: